

- † Sier Hironimo Justinian procurator, fo Savio dil Conseio, qu. sier Antonio.
- † Sier Marin Corner fo Consier, qu. sier Polo.
Sier Bernardo Soranzo fo Cao dil Conseio di X, qu. sier Beneto.
- † Sier Lunardo Emo el Savio dil Conseio, qu. sier Zuane el cavalier.
Sier Piero Marzelo fo censor, qu. sier Giacomo *da San Tomà*.
Sier Hironimo Zane fo capitano a Verona, qu. Sier Bernardo, qu. sier Marco procurator.
Sier Zuan Alvise Duodo fo Cao dil Conseio di X, qu. sier Piero.
Sier Valerio Valier fo Cao dil Conseio di X, qu. sier Antonio.
- † Sier Marco Gabriel fo Consier, qu. sier Zacaria.
Sier Marco Loredan fo Cao dil Conseio di X, qu. sier Domenego.
Sier Gabriel Moro el cavalier, fo proveditor al Sal, qu. sier Antonio.
Sier Bernardo Marzello fo Cao dil Conseio di X, qu. sier Andrea.
Sier Andrea Donado fo Cao dil Conseio di X, qu. sier Antonio el cavalier.
- † Sier Nicolò di Prioli fo Cao dil Conseio di X, qu. sier Domenego.
- 2* † Sier Daniel Renier fo Savio dil Conseio, qu. sier Costantin.
- † Sier Alvise Gradenigo el Savio dil Conseio, qu. sier Domenego el cavalier.
Sier Piero Boldù fo Avogador di Comun, qu. sier Lunardo.
- † Sier Hironimo Barbarigo fo Consier, qu. sier Andrea, qu. Serenissimo.
- † Sier Piero Lando fo capitano zeneral di mar, qu. sier Zuanne.
Sier Stefano Memmo è di Pregadi, qu. sier Zorzi.
- † Sier Luca Trun procurator, fo Savio dil Conseio, qu. sier Antonio.
- † Sier Zuan Badoer dotor et cavalier, fo capitano a Verona, qu. sier Renier.
- non Sier Alvise Bon el governador di l'intrade, qu. sier Otavian.

Et nota. Mo' un anno non fo vardà debitori, ma questo anno si; la causa dirò poi. Et per esser l'ora tarda le voxe andavano zoso. Fu posto parte, sicome fu messo mo' un anno per li Consieri et Cai di XL, che queste voxe doman poi disnar siano balotate *ut in parte*. Fu presa. Ave:

A dì 2, domenega. Vene in Collegio sier Zuan Francesco Correr, venuto proveditor di Salò e capitano di la riviera di brexana, vestito damaschin negro, in loco del qual andoe sier Zuan Francesco Sagredo; et referite di quele cose.

Se intese esser *lettere di sier Zuan Antonio Venier et sier Zuan Pixani procurator, vanno oratori in Franza, date a Pedimonti apresso Zambari, a dì 24 del passato*. Come esso Pisani era alquanto indisposto di le sue gote; si preparava una leticha per andar al suo viazo.

Dapoi disnar fo Gran Conseio, et non vene il Serenissimo, e fo a posta etc.

Fu leto, per Hironimo Augustino nodaro di Avogadori, una condanason, fata in Quarantia Criminal a dì 28 del passato per il pieder di sier Andrea Mozenigo el dotor et sier Maffio Lion avogadori di Comun, contra il nobel homo sier Domenego Barbarigo di sier Alvise, per insulti fati contra Zorzi di feride e parole, et il zuoba santo a caxa di Lucia a San Lio andoe et la ferite su la testa dicendoli parole inziuriose et vergognose, però il ditto sier Domenego compia uno anno in la preson di l'Armamento, nè possi esser cavado se non per 30 balote di XL Criminali, poi sia confinà per anni tre a Cherso et Ossero, hessendo ubligato a presentarsi do volte a la settimana a quel rector e, rompendo il bando e sia preso, stagi uno anno in la preson Forte, poi torni al bando qual alhora comenzi, et *hoc totiens quotiens*. Et quello lo prenderà habbi lire 500 di soi danari s'il ne sarà, si non di danari di la Signoria nostra, et non ensa di preson se prima non pagi miedegi et medesine a la ferida, come sarà iustificà per li Avogadori di Comun.

Nota. Il ditto era oficial al Canevo.

Vene a Conseio tre Procuratori di *Citra*, sier Hironimo Zen, sier Vicenzo Grimani et sier Antonio di Prioli, el qual sier Antonio ha fatto grandissima procura per romanir hozi, et li vene fata per uno mezo, el tene, di non far provar sier Luca Trun dicendo l'è debitor; e *tamen* heri sera a hore 24 fo provà di la Zonta dil Conseio di X e rimase.

Fo fato eletion tutto per do man, et balotà *etiam* 3 le voxe di heri.

1383. *Procuratori di la chiezia di San Marco.*

† Sier Lorenzo Loredan fo dil Serenissimo.

Sier Alvise Pasqualigo, qu. sier Filippo.

† Sier Giacomo Soranzo qu. sier Francesco.